



Fondacija tuzlanske zajednice

**Vitalni znaci 2019**

Konsultacije sa članovima OBT

**Razgovor sa članovima Odbora Omladinske banke Tuzla**



## Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

## Forma diskusije

Diskusije sa građanima fasilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

## Ocijeni vitalnost svoje zajednice!

Diskusije sa građanima fasilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



**Datum: 06. avgust 2019.**

**Oblasti za diskusiju: Mogućnosti za početak i migracije; Rad, zapošljavanje, Ekonomija i poduzetništvo**

**U saradnji sa: Omladinskom bankom Tuzle**

**Lokacija: Kamp Omladinske banke**

**Broj učesnika: 25 (18Ž i 7M)**

## **Sažetak diskusije:**

Zbog značaja ovih tema i interesa koji za njih vlada u zajednici, diskusija je urađena sa mladima koji su članovi Odbora Omladinske banke Tuzla.

S obzirom da su učesnici predstavljali različite tipove lokalnih zajednica Tuzle koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima Omladinske banke Tuzle predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Učesnici su bili podjeljeni u grupama, te diskutovali o različitim oblastima istraživanja. U razgovoru o oblasti "Rad i zapošljavanje, Ekonomija i poduzetništvo", trinaest učesnika smatra da je situacija dobra iako treba poboljšanje, a jedanaest učesnika smatra da je situacija zabrinjavajuća. Dok jedan učesnik smatra da je stanje u ovoj oblasti zadovoljavajuće.

Učesnici su se izjasnili da je "zdrava", "vitalna" zajednica u okviru oblasti "Rad zapošljavanje, Ekonomija i poduzetništvo" mjesto koje ima veliku stopu zaposlenosti, gdje mito i korupcija nisu prisutni, a resursi se iskorištavaju, kao i raznovrsno tržište rada i plate koje zadovoljavaju standarde.

Ono što je dobro u zajednici u oblasti "Rad, zapošljavanje, Ekonomija i poduzetništvo" jesu aktivni građani, rad studentskog biroa, veći broj zaposlenih u posljednje vrijeme i lokalna podrška.

Ono što treba poboljšati u zajednicama na području općine Tuzla jeste uslove za rad, neplaćeni prekovremeni rad, radni staž, plaćeno bolovanje, spolna diskriminacija, manjak kompetentnih i kvalifikovanih ljudi što je rezultat nemotivirajuće sredine, nesavjesno poslovanje, te mito i korupcija.

Za oblast "Mogućnosti za početak i migracije" većina učesnika se izjasnila da je stanje u ovoj oblasti odlično i da možemo poslužiti kao uzor drugima, dok samo jedan učesnik smatra da je stanje u ovoj oblasti zadovoljavajuće iako treba poboljšanje.

Kada govorimo o ovoj oblasti građani su se izjasnili da "zdrava", "vitalna" zajednica treba da ima program integracije za strane državljane, privremeni smještaj i prilike za zapošljavanje pri dolasku, podrška novim građanima i ulaganje u radnike, platforme za pokazivanje nacionalnog ponosa i multietničnost, kao i dječiji dohodak i toplifikaciju.

Ono što je dobro u općini Tuzla - Tuzla je studentski grad, multietničnost, tolerancija i ravnopravnost, kultura i umjetnost, prihvatljive cijene i lako rješavanje pitanja stanovanja.

Treba poboljšati zrak, regulisanje saobraćaja, loše ceste i manjak biciklističkih staza, rijedak i skup gradski prijevoz, kontejneri za selektivno odvajanje otpada, nedovoljno stroge novčane kazne za pitanja javnih površina.



## Rad, zapošljavanje, Ekonomija i poduzetništvo

Članovi Omladinske banke Tuzla su rekli

### Kako izgleda „zdrava“, „vitalna“ zajednica?

- Velika stopa zaposlenosti
- Iskorištavanje resursa, manje cijene
- Plate koje zadovoljavaju standard
- Poticaj inovatorima
- Kooperativnost državnih institucija sa poduzetnicima
- Raznovrsnost tržišta rada
- Mjesto gdje nema mita i korupcije

### Šta dobro funkcioniše u vašoj zajednici?

- Veći broj zaposlenih u zadnje vrijeme
- Lokalna podrška
- Predmet “poduzetništvo” u srednjim školama
- Aktivni građani
- Studentski biro
- Turizam

### Šta se može poboljšati u zajednici?

- Savjesno poslovanje, mito i korupcija
- Povećanje BDP
- Nema starih zanata
- Neplaćen prekovremeni rad
- Bolovanje
- Loši uslovi za rad
- Neplaćen staž
- Godišnji odmor
- Veći uvoz nego izvoz
- Nerješeno pitanje porodiljnog
- Spolna diskriminacija



## Mogućnosti za početak i migracije

### Članovi Omladinske banke Tuzla su rekli

#### Kako izgleda „zdrava“, „vitalna“ zajednica?

- Multietničnost
- Podrška novim građanima
- Privremeni smještaj
- Programi integracije za strane državljane
- Zapošljavanje pri dolasku
- Ulaganje u radnike
- Stipendiranje studenata
- Pravljenje platformi za pokazivanje nacionalnog ponosa
- Toplifikacija
- Dječiji dohodak

#### Šta dobro funkcioniše u vašoj zajednici?

- Multietničnost
- Studentski grad
- Kultura i umjetnost
- Tolerancija i ravnopravnost
- Lako rješavanje stambenog pitanja
- Prihvatljive cijene

#### Šta se može poboljšati u zajednici?

- Zrak
- Loše ceste
- Regulisanje saobraćaja
- Skup i rijedak gradski prijevoz
- Manjak biciklističkih staza
- Kontejneri za selektivno odvajanje otpada
- Nedovoljno stroge novčane kazne



## Šta ja mogu uraditi da doprinesem izgradnji zdravije i bolje zajednice?

- zaobilazim korupciju i mito, upozoravam i druge
  - planiram ostati u ovom gradu i ulagati u njega kroz svoj rad
  - biti poduzetnik u svojoj lokalnoj zajednici
  - osmišljavanje novih projekata
  - apliciranje na mnoga mjesta
  - korištenje društvenih mreža za umrežavanje sa drugim ljudima
  - rad u društveno odgovornoj firmi
- 
- pazim na okolinu i odvajam otpad
  - korištenje gradskog prijevoza
  - korištenje bicikla kao prevoznog sredstva
  - korištenje načina grijanja koji nije štetan po kvalitetu zraka
  - pomoć i empatija za migrante